



Grad Sarajevo
City of Sarajevo

Broj: 01/04-05-3338/18
Sarajevo, 04.06.2018.g.

Gradsko vijeće Grada Sarajeva

N/r Igor dr. Gavrić, predsjedavajući

Predmet: Odgovor na vijećničku inicijativu upućenu na 12. sjednici Gradskog vijeća Grada Sarajeva (gradski vijećnik Vedran Dodik)

Veza: Vaš akt, broj: 01-GV-02-289-4/18 od 28.02.2018. g.

Poštovani,

Gradski vijećnik Vedran Dodik uputio je vijećničku inicijativu sljedećeg sadržaja:

„Građani su uočili neprimjereno postupanje KJKP "Pokop", d.o.o. Sarajevo na grobljima gdje su po nadgrobnim spomenicima postavljene naljepnice sa pozivima građana da se jave ovom privrednom društvu. Radi se o namjeri da se ovim putem građani obavijeste o dugu koji imaju za održavanje grobnih mjesta svojih najbližih, uz pozivanje na odluku nekadašnjeg Grada Sarajeva. Poznato je da je Kanton Sarajevo pri preuzimanju imovine bivšeg Grada Sarajeva i poslova lokalne samouprave primjerenih Gradu preuzeo i gradske propise kao svoje.

Budući da Kanton Sarajevo nije nikada donio odgovarajući kantonalni propis građani su zbunjeni ovakvim postupanjem, misleći da se radi o propisu današnjeg Grada Sarajeva. Tom odlukom je propisano, između ostalog da će se ekshumirati ostaci umrlih i tako oslobođena grobna mjesta ponovo stavljati u funkciju, ako se ne izmiri dug za održavanje.

Poznato je koliko je naših sugrađana silom prilika napustilo ovaj grad, te sigurno neće biti u prilici odazvati se na ove pozive, pa čak i da imaju saznanja o upućenom pozivu. Nasuprot tome obnavljaju se stara groblja i štite grobna mjesta davno ukopanih za koje je poznato da ne postoje živi nasljednici.

Pitanja je i kakva poruka se, postupajući na ovaj način šalje i drugim gradovima odakle su i građani protjerani, na primjer: Bijeljini ili Banja Luci gdje na internetskim portalima već kruže priče o tome da su gradske vlasti samo na srpske grobnice polijepili naljepnice (što naravno nije tačno, naljepnice su nalijepljene na sve grobove).

Potrebno je da Gradonačelnik zaduži nadležnu službu da razmotri problematiku, te da Gradonačelnik predloži Gradskom vijeću inicijativu koju bi Gradsko vijeće uputilo nadležnima u Kantonu Sarajevo, a s ciljem rješavanja ovog problema.“



Odgovor:

U prilogu dostavljamo akt KJKP „POKOP“ d.o.o. Sarajevo broj: 01-49-1749-2/18 od 18.05.2018. godine.

Gradonačelnik

mr. Abdulah Skaka s.r.

Dostaviti:

- Naslovu,
- a/a



ZA SAHRANE I UPRAVLJANJE GROBLJEM - FUNERALS AND CEMETERIES MANAGEMENT

DIREKCIJA - Mula Mustafe Bašeskije 38, Sarajevo; Info: +387 33 535 170, Fax: +387 33 535 164
PRODAVNICA POGREBNE OPREME - Petrakijina 1, Sarajevo; Info: +387 33 551 370
GROBLJE BARE - Jukićeva 61; Info: +387 33 551 750 - GROBLJE VLAKOVO - Vlakovo bb; Info: +387 33 761 955
GROBLJE STADION - Patriotske lige bb; Info: +387 33 258 306 - MRTVACNICA - Jukićeva 61; Info: +387 33 664 686
CVJEČARA BARE - Jukićeva 61; Info: +387 33 551 375 - R.J. TRANSPORT - Vlakovo bb; Info: +387 33 629 025
BESPLATNI INFO TELEFON: 080 02 02 68; mail: kjkp_pokop@bih.net.ba - www.pokop.ba



Broj:01-49-1749-2/18
Sarajevo, 18.05.2018.godine

GRAD SARAJEVO

Služba za urbano planiranje, investicijske,
stambene i komunalne poslove

Predmet: Obrazloženje – dostavlja se

Poštovani,

Dopisom broj: 08-23-2956/18 od 17.05.2018.godine, od KJKP „POKOP“ d.o.o. Sarajevo, tražite obrazloženje o razlozima postavljanja pisane obavijesti na nadgrobnim spomenicima.

Poštovani,

Iako je naša obaveza postupati u skladu sa pozitivnim zakonskom propisima, što je u našem slučaju i Odluka o uređivanju i održavanju gradskih grobalja („Službene novine grada Sarajeva“ br.27/84,14/85,13/90), do sad smo na sve načine pokušavali doći do podataka o licima koji vode računa o grobnim mjestima na grobljima kojima upravlja i gazduje Preduzeće, a sve u cilju da izbjegnemo ekshumacije posmrtnih ostataka iz grobova i prenos istih u za to predviđenu zajedničku grobnicu na groblju Vlakovo.

Razlog zbog kojeg nije donošena Uredba koja bi detaljnije uređivala pogrebnu djelatnost u skladu sa Zakonom o komunalnim djelatnostima („Službene novine Kantona Sarajevo“, br: 14/16,43/16, 10/17 i 19/17), nije nam poznat te Vas molimo da se obratite Vladi Kantona Sarajevo. Ističemo da se na Uredbi radi od 2009.godine, te da se s vremena na vrijeme aktuelizira donošenje iste.

KJKP „POKOP“ d.o.o. Sarajevo je, uvažavajući velika stradanja i žrtvu koju su građana Sarajeva u toku opsade grada, na razne načine pokušavalo stupiti u kontakt sa osobama koje vode računa o grobnim mjestima na grobljima kojima upravlja i gazduje KJKP „POKOP“ d.o.o. Sarajevo.

Obzirom da je u toku agresije i opsade Grada veliki dio evidencije preduzeća uništen, u više navrata smo putem printanih i elektronskih medija pozivali zainteresovana lica da nam se obrate radi informacija o mjestu ukopa i stanju groba bilo koga od ukopanih lica na grobljima kojima upravlja i gazduje KJKP „POKOP“ d.o.o. Sarajevo, ovakav način je dao određene rezultate.

Nakon što je postalo očito da ovakav način više ne daje željene rezultate, Uprava preduzeća je odlučila da, na osnovu informacija kojima raspolaže preduzeće, telefonom kontaktira eventualna zainteresovana lica, što je rezultiralo prikupljanju određenih podataka o licima koja vode računa o grobnim mjestima, međutim dovelo je i do velikog broja izuzetno neugodnih razgovora sa osobama koje nemaju nikakve veze sa ukopanim licima.

Dakle, nakon što su iscrpljene sve druge mogućnosti, uvažavajući praksu drugih pogrebnih preduzeća, Nadzorni odbor KJKP „POKOP“ d.o.o. Sarajevo je donio Pravilnik o postavljanju pismene obavijesti na grobnom mjestu.

Pravilnik uređuje da se obavijest na grobnom mjestu može postaviti isključivo u slijedećim slučajevima:

- Kada za grobno mjesto ne postoje nikakvi podaci o korisniku grobnog mjesta, te nije moguće utvrditi status grobnog mjesta,

ID BROJ - 4200119040004; PDV BROJ - 200119040004; MBS - 65-01-0701-13; SUDSKI REG. BROJ - 065-0-Reg-08-002972

T.R. UniCredit Bank - 3383202250686353; ASA Banka - 1370406001494626; RAIFFEISEN Bank - 1610000005140041; UNION Banka - 1020290000015965
NLB Banka - 1327310010008492; SBEBANK - 1401020003012707; INTESA S.P Banka - 1549212005907130; PRIVREDNA Banka - 1010000071258469

- Kada se za grobno mjesto učestalo vraćaju upućena pisma za status grobnog mjesta odnosno plaćanje naknade za korištenje grobnog mjesta,
- Kada za grobno mjesto nije plaćena godišnja naknada za korištenje 10 (deset) godina od dana plaćanja zadnje naknade za korištenje grobnog mjesta,
- Kada zbog neodržavanja grobnog mjesta postoji opasnost za sigurnost posjetiteljima grobalja a ne postoje podaci o korisniku istog,
- Kada nadgrobni spomenik ili druga oprema grobnog mjesta ugrožava sigurnost susjednih grobnih mjesta, a ne postoje podaci o korisniku,
- Kada su izvedeni radovi na uređivanju grobnih mjesta, za koje ne postoje podaci o korisniku, koji nisu prijavljeni preduzeću.,
- Kada na drugi način nije moguće obavijestiti korisnika grobnog mjesta po pitanju prava i obaveza u vezi grobnog mjesta.

Naljepnica koja se postavlja je pravougaonog oblika, veličine formata A6., te je samoljepljiva i otporna na vremenske uticaje.

Na lijevoj trećini iste se nalazi logotim KJKP „POKOP“ d.o.o. Sarajevo, a na sredini preostale dvije trećine se nalazi tekst: „ MOLE SE SRODNICI UKOPANIH OSOBA ILI DRUGA LICA KOJA VODE BRIGU O OVOM GROBNOM MJESTU DA SE U ŠTO KRAĆEM ROKU JAVE U NAJBЛИŽI GROBNI URED KJKP „POKOP“ d.o.o. Sarajevo. U donjem desnom uglu nalazi se tekst: „UPRAVA KJKP „POKOP“ D.O.O. SARAJEVO MULA MUSTAFE BAŠESKIJE 38, BESPLATNI TELEFON:080020268.

Iz navedenog je očito da cilj Preduzeća nije ekshumacija posmrtnih ostataka i na taj način oslobađanje određenog broja grobnih mjesta za nove ukope, nego informisanje lica koja vode računa o grobnim mjestima, ili lica koja žele da vode računa o grobnim mjestima koja se nalaze na grobljima kojima upravlja i gazduje Preduzeće. Dakle sve navedene aktivnosti su, prije svega, za cilj imale informisanje naših sugrađana o stanju grobova na na grobljima kojima upravlja i gazduje Preduzeće, popunjavanje naše evidencije o grobovima na grobljima, zatim materijalna potraživanja koja preduzeće ima pa tek onda, u krajnjem slučaju, i ekshumacija posmrtnih ostataka i prenos u za to namjenjeno mjesto na groblju Vlakovo. Ističemo da su sve gore navedene aktivnosti bile od velike koristi prilikom implemetacije GIS-a koja je u toku.

Prema tome, uzevši u obzir sve manji broj slobodnih grobnih mjesta u Kantonu Sarajevo, kao i činjenicu da su od rata prošle 22 godine, da je Preduzeće moguće kontaktirati lično, poštom, telefonom, putem interneta, a da nas za određeni broj grobnih mjesta niko nikada nije kontaktirao, počeli smo sa postavljanjem obavijesti na grobna mjesta, sa ciljem daljeg informisanja građana i popune naše evidencije, pa tek onda materijalna potraživanja i ekshumacije posmrtnih ostataka. Ističemo da je Preduzeće, uvažavajući materijalni položaj naših sugrađana, omogućilo građanima da eventualna dugovanja Ukoliko imate problem s ovom praksom vrlo rado ćemo prihvatiti Vašu pomoć, koja, između ostalog, može podrazumijevati i da Grad Sarajevo uplati potraživanja koje KJKP „POKOP“ d.o.o. Sarajevo ima po ovom osnovu.

Na žalost sa obnavljanjem i održavanjem starih grobalja na kojima se ne zna identitet ukopanih osoba nismo upoznati, moguće da to radi neka druga ustanova ili da se radi o nekih arheološkim iskopinama, te Vam predlažemo da se obratite Kantonalnom zavodu za zaštitu kulturno – historijskog i prirodnog naslijeđa Sarajevo.

Ističemo da svoje usluge od osnivanja do danas pružamo poštujući naše multietničko naslijeđe i okruženje, što planiramo i u budućnosti, a natpise medija koji od početka agresije do danas zanemaruju činjenice i pokušavaju na sve načine izjednačiti postupke agresora i žrtve ne komentarišemo.

S poštovanjem.

Dostaviti:

- Naslovu,
- Evidencija,
- a/a.



DIREKTOR
Goran Cerić